



Innkalling av Råd for menneske med nedsett funksjonsevne

Møtedato: 11.10.2021
Møtestad: Nordhordlandshallen, kantina
Møtetid: 12:00 - 15:30

Eventuelle forfall må meldast til epost: nora.gjerde@alver.kommune.no
Varamedlemmer møter berre etter nærare avtale.

Sakliste

Saknr	Tittel
037/21	Godkjenning av innkalling og sakliste
038/21	Godkjenning av møteprotokoll -30.08.2021
039/21	Offentleg ettersyn og høyring - Detaljreguleringsplan for Birkelundstunet gbnr. 172/14. PlanID 1263-201902
040/21	Avlastingsiltak for barn og unge i Alver kommune
041/21	Felles satsingar for helse- og omsorgssektoren i Nordhordland 2021-2031
042/21	Handlingsplan mot vald i nære relasjonar - val av deltakarar i workshop
043/21	Meldingar og orienteringar til RMNF - 11.10.2021

4. oktober 2021

Magne Bjørndal
møteleiar

Nora M. K. Gjerde
møtesekretær

Arkiv: <arkivID><jplD>
JournalpostID:
Sakshandsamar:
Dato: 01.10.2021

Saksframlegg

Saksnr.	Utval	Møtedato
037/21	Råd for menneske med nedsett funksjonsevne	11.10.2021

Godkjenning av innkalling og saksliste

Innkalling og saksliste vert godkjent.

Arkiv: <arkivID><jplD>
JournalpostID:
Sakshandsamar:
Dato: 27.09.2021

Saksframlegg

Saksnr.	Utval	Møtedato
038/21	Råd for menneske med nedsett funksjonsevne	11.10.2021

Godkjenning av møteprotokoll

Møteprotokollen vert godkjent.

Vedlegg i saken:

30.08.2021 Protokoll - Råd for menneske med nedsett funksjonsevne - 30.08.2021 1603353



Møteprotokoll for Råd for menneske med nedsett funksjonsevne

Møtedato: 30.08.2021
Møtestad: Nordhordlandshallen, kantina
Møtetid: 12:00 - 15:25

Diverse merknader:

- Kl 12.00 var det felles orienteringsmøte for ER/RMNF i kantina Nordhordlandshallen, deretter held RMNF fram i eige møte for handsaming av vedtakssaker.
- Nestleiar Reidar Knutsen leia møtet i leiar Magne Bjørndal sitt fråvær.
- Liv Erstad gjekk under handsaming av sak 035/21.

Frammøtte medlemmer	Parti	Rolle
Sølvi Gripsgård Knudsen	SP	Medlem
Else Marie Skartveit Dale	KRF	Medlem
Jan Arild Lindaas	SAFO	Medlem
Reidar Knutsen	SAFO	Medlem
Svein Arne Vabø	SAFO	Medlem
Liv Erstad	FFO	Medlem
Bente Orlen Westervik	FFO	Medlem

Forfall meldt frå medlem:	Parti	Rolle
Magne Bjørndal	FFO	Utvalsleiar
Jannicke Helland	FFO	Medlem

Frammøtte varamedlemmer:	Parti	Erstatter medlem
Erling Jacobsen	FFO	Magne Bjørndal
Edith Jørgenvik	FFO	Jannicke Helland

Følgjande frå administrasjonen møtte:

Eirik Berntsen-avdelingsleiar Miljø og tilsyn, Eirik Bower Utne-kultursjef, Hans Kristian Dolmen-rådgjevar Plan og analyse, Helge Kvam-fagansvarleg Helse og omsorg, Hogne Haugsdal-kommunalsjef, Hogne Haugsdal-kommunalsjef, Janne Sund-økonomisjef, Robert Lorang Hansen-spesialkonsulent Kultur, Rolf Raknes-fagansvarleg Plan og analyse, Simon W. Grandahl-rådgjevar Helse og omsorg, Nora Gjerde-sekretær.

Sakliste

Saknr	Tittel
030/21	Godkjenning av innkalling og sakliste
031/21	Godkjenning av møteprotokoll
032/21	Kommunale tilskotsordningar kultur og idrett - revidering av retningslinjer
033/21	Overføring av ansvar for arbeidskjøring av TT-brukarar frå fylkeskommunen til kommunane
034/21	Økonomiplan 2022 - 2025
035/21	Meldingar og orienteringar til RMNF - 30.08.2021
036/21	Digital kompetanse for eldre – knytt til ulike tenester/tilbod – diskusjonssak

030/21: Godkjenning av innkalling og sakliste

Innkalling og sakliste vert godkjent.

Råd for menneske med nedsett funksjonsevne 30.08.2021:

Behandling:

Ingen merknader, samrøystes.

RMNF- 030/21 Vedtak:

Innkalling og sakliste vert godkjent

031/21: Godkjenning av møteprotokoll

Møteprotokollen vert godkjent.

Råd for menneske med nedsett funksjonsevne 30.08.2021:

Behandling:

Møteprotokoll frå møte - 07.06.2021 vert godkjent, samrøystes.

RMNF- 031/21 Vedtak:

Møteprotokoll frå møte - 07.06.2021 vert godkjent.

032/21: Kommunale tilskotsordningar kultur og idrett - revidering av retningsliner

Rådmannen sitt framlegg til vedtak:

Alver kommunestyre godkjenner retningslinene for tilskotsordningar til kultur og idrett, slik dei ligg ved saka.

Råd for menneske med nedsett funksjonsevne 30.08.2021:

Behandling:

Fellesframlegg v/Reidar Knutsen:

RMNF verdset at tiltak retta mot menneske med nedsett funksjonsevne er mellom dei som skal prioriterast.

Framlegget vart samrøystes vedteke.

RMNF- 032/21 Vedtak:

RMNF verdset at tiltak retta mot menneske med nedsett funksjonsevne er mellom dei som skal prioriterast.

033/21: Overføring av ansvar for arbeidskjøring av TT-brukarar frå fylkeskommunen til kommunane

Rådmannen sitt framlegg til vedtak:

Alver kommune ber Vestland fylkeskommune halde fram med administrativt og økonomisk ansvar for ordninga med arbeidskjøring av TT-brukarar.

Råd for menneske med nedsett funksjonsevne 30.08.2021:

Behandling:

Rådmannen sitt framlegg vart samrøystes vedteke.

RMNF- 033/21 Vedtak:

Ingen merknader.

034/21: Økonomiplan 2022 - 2025

Rådmannen sitt framlegg til vedtak:

1. Framlegg til økonomiplan drift og rammer for 2022 i samsvar med § 5-4 bevillingsoversikt drift 1A og 1B vert vedteke.
Oppdatert framlegg til budsjett for 2022 og økonomiplan 2022-2025 med korrekt ramme for rammetilskot og skatt basert på framlegg til statsbudsjettet for 2022 og utgiftsrammer for sektorane inkludert lønns – og prisstigning til 2022-prisnivå vert lagt fram for kommunestyret til behandling i desember 2021.
2. Framlegg til investeringsplan for perioden 2022-2025 og investeringsbudsjettet for 2022 vert vedteke i samsvar med § 5-5 bevillingsoversikt investering 2A og 2B.
Rådmannen får fullmakt til å justere investeringsbudsjettet for 2022 i samsvar med forventa framdrift på prosjekta som pågår i 2021. Dette betyr at prosjekta som pågår i 2021 som har endra framdrift per 2. tertialrapport vert flytta til 2022 i framlegget til budsjett for 2022 vert fremja i desember 2021. Investeringsbudsjettet vert ikkje prisjustert frå 2021-nivå til 2022-nivå, då det i gjeldande framlegg er lagt til grunn korrekt prisnivå.

Råd for menneske med nedsett funksjonsevne 30.08.2021:

Behandling:

Fellesframlegg v/Reidar Knutsen:

RMNF ser med stort alvor på den økonomiske stoda for Alver kommune. RMNF meiner at å redusera tenestetilbodet vil gå ut over livskvaliteten for menneske

med nedsett funksjonsevne. RMNF er kjent med at fleire opplever at tenestene allereie ligg på eit minimumsnivå, og RMNF ber kommunen vurdere andre innsparingar og auka inntekter.

Framlegget vart samrøystes vedteke.

RMNF- 034/21 Vedtak:

RMNF ser med stort alvor på den økonomiske stoda for Alver kommune. RMNF meiner at å redusera tenestetilbodet vil gå ut over livskvaliteten for menneske med nedsett funksjonsevne. RMNF er kjent med at fleire opplever at tenestene allereie ligg på eit minimumsnivå, og RMNF ber kommunen vurdere andre innsparingar og auka inntekter.

035/21: Meldingar og orienteringar til RMNF - 30.08.2021

Rådmannen sitt framlegg til vedtak:

Meldingar vert tekne til orientering.

Råd for menneske med nedsett funksjonsevne 30.08.2021:

Behandling:

Meldingar / orienteringar som vart gjevne i møtet:

Orienteringane 1-8 vart lagt fram i fellesfora med RMNF og eldrerådet. Den siste orienteringa vart lagt fram i RMNF sitt eige møte.

1. NAV i nye lokale – samling av tenestene/arbeidsrutiner – orientering v/Jane Britt Daae-tenesteleiar NAV
2. Kommunedelplan for Oppvekst – status i planarbeidet - v/Rolf Raknes-fagansvarleg Plan og analyse
3. Kommunedelplan Helse og omsorg - status i planarbeidet v/Hans Kristian Dolmen-rådgjevar Plan og analyse
4. Kommunale tilskotsordningar til idrett og kultur – revidering av retningslinjer – orientering v/Eirik Bower Utne-kultursjef
5. Kort oppdatering korona/vaksinering v/Simon Walter Grandahl-rådgjevar Helse og omsorg
6. Orientering om lovverket i plan- og bygningslova som gjeld tilgjenge og universell utforming og kommunen si rolle ved oppfølging av krava

- i byggesaker v/Eirik Berntsen-avdelingsleiar Miljø og tilsyn
7. Økonomiplan for Alver 2022-2025 - orientering v/Janne Sund-økonomisjef
 8. Digital kompetanse for eldre – knytt til ulike tenester/tilbod – diskusjonssak – orientering v/Hogne Haugsdal-kommunalsjef
 9. Overføring av ansvar for arbeidskjøring av TT-brukarar frå fylkeskommunen til kommunane v/Helge Kvam-fagansvarleg Helse og omsorg

RMNF- 035/21 Vedtak:

Meldingar vert tekne til orientering.

036/21: Digital kompetanse for eldre – knytt til ulike tenester/tilbod – diskusjonssak

Råd for menneske med nedsett funksjonsevne 30.08.2021:

Behandling:

Orientering / diskusjonssak: Digital kompetanse for eldre – knytt til ulike tenester/tilbod

Det vart påpeika at digital kompetanse ikkje berre gjeld eldre, men også fleire andre grupper som til dømes unge funksjonshemmede.

RMNF ber kommunen sikre at deira eigen digitalisering bidreg til auka inkludering, ikke det motsette, og vere pådrivar for tilsvarande for andre viktige tenester for innbyggjarane i Alver, med spesiell vekt på menneske med nedsett funksjonsevne. For desse unge er dette eit problem som ikkje vert redusert med tida, men heller aukar. Dei treng ekstra opplæring, tilrettelegging og støtte over tid.

Framlegget vart samrøystes vedteke.

RMNF- 036/21 Vedtak:

Det vart påpeika at digital kompetanse ikkje berre gjeld eldre, men også fleire andre grupper som til dømes unge funksjonshemmede.

RMNF ber kommunen sikre at deira eigen digitalisering bidreg til auka inkludering, ikke det motsette, og vere pådrivar for tilsvarande for andre viktige tenester for innbyggjarane i Alver, med spesiell vekt på menneske med nedsett funksjonsevne. For desse unge er dette eit problem som ikkje vert redusert med tida, men heller aukar. Dei treng ekstra opplæring, tilrettelegging og støtte over tid.



Saksframlegg

Saksnr:	Utval:	Dato
	Eldreråd	
	Råd for menneske med nedsett funksjonsevne	

Sakshandsamar:	Plan og byggesak	Ole Martin Bolset
Avgjerslemynde:		Arkivnr.: 20/2400
		Klassering:

Offentleg ettersyn og høyring - Detaljreguleringsplan for Birkelundstunet gbnr. 172/14. PlanID 1263-201902

I medhald av plan- og bygningslova § 12-10 har Utval for areal, plan og miljø 01.09.21, som sak 125/21, gjort vedtak om å leggja planframlegg ut til offentleg ettersyn.

På oppdrag frå Seim Eiendomsutvikling AS legg proESS AS fram forslag til detaljreguleringsplan for Birkelundstunet gbnr. 172/14, planID 1263-201902. Planområdet ligg på Seim, omtrent 10 km frå Knarvik. Storleiken på området er om lag 3,3 daa. Planen sitt formål er å leggje til rette for bustadbebyggelse. Tiltakshavar ønskjer å leggje til rette for 3 nye bygg, med inntil 4 bueiningar i kvart bygg.

Framlegg til plan vert ved høyring og offentleg ettersyn kunngjort på kommunen si heimeside. Grunneigarar, berørte naboar, lag og organisasjonar og offentlege instansar vert direkte tilskrive.

For aktuelle utval vert offentleg ettersyn og høyring meldt opp som sak.

Perioden for offentleg ettersyn er sett frå 28.09.21 – 10.11.21.

Merknader til planforslaget må vera framsett skriftleg innan merknadsfristen. For å kome med merknad kan ein sende e-post til post@alver.kommune.no, eller brev til

Alver kommune
Postboks 4
5906 Frekhaug.

Merknaden stilast til Plan v/ Arealforvaltning.

Merknadsfrist er sett til **10.11.2021**.

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost

Vedlagte saksdokument:

Vedlagte saksdokument:

1. Plankart_220921.	1618550	27.09.2021
2. Føresegner_220921.	1618551	27.09.2021
3. Planskildring_220921.	1618552	27.09.2021
4. Illustrasjonsplan_080921.	1618553	27.09.2021
5. MUA-plan_080921.	1618554	27.09.2021
6. Terrengsnitt og vegprofil_040321.	1618555	27.09.2021
7. ROS-sjekkliste.	1618556	27.09.2021
8. Støyvurdering_200421.	1618557	27.09.2021
9. Notat vedr universell tilgjengelighet_030521.	1618558	27.09.2021
10. Samla uttaler til varsel om oppstart.	1618559	27.09.2021
11. Saksframlegg med vedtak 1.ghs_010921- compressed	1618560	27.09.2021

Arkiv: <arkivID><jplID> FA-H32
JournalpostID:
Sakshandsamar:
Dato: 27.09.2021

Saksframlegg

Saksnr.	Utval	Møtedato
040/21	Ungdomsråd	07.10.2021
040/21	Råd for menneske med nedsett funksjonsevne	11.10.2021
	Utval for helse og omsorg	
	Alver formannskap	
	Alver kommunestyre	

Avlastingstiltak for barn og unge i Alver kommune **Rådmannen sitt framlegg til vedtak:**

- Kvasten avlastningsbustad får auka kapasitet med 3 plassar. Samla kapasitet etter auke vert då 8 plassar
- Kommunen reduserer kjøp av private avlastingstenester. Det er ein føresetnad for reduksjon kjøp av teneste at målgruppe opprettheld kvalitet i tenestetilbod i kommunal regi.
- Starte arbeide med å finne eigna lokaler for å samlokalisere avlastingstiltaka som i dag vert gitt i Røsvikrenen i Knarvik, Havnevegen på Frekhaug og på Ostereidet. Målet er betre kvalitet og kostnadseffektiv drift.

Politisk handsaming

Saka skal til uttale i ungdomsråd og råd for menneske med nedsett funksjonsevne

Saka skal til innstilling i utval for helse og omsorg, og formannskap

Saka skal avgjerast i kommunestyret

Bakgrunn

Viser til sak KO-054/21 der det vart vedtatt å starte opp eit 4-årig administrativt prosjekt for leiing, kvalitetsforbetring og ressurseffektiv drift i sektor Helse- og omsorg. Bakgrunnen for prosjektet er vedtatte innsparingar i økonomiplan 2021 -2024. Prosjektet tek utgangspunkt i PwC sin rapport *Kartlegging av helse og omsorg i Alver kommune*, datert 11.01.2021. Framlegg til tiltak i prosjektet som er av prinsipiell karakter og treng strategiske avklaringar, vert lagt fram i eigne politiske saker.

Rapporten frå PwC seier mellom anna:

«For avdeling avlastning synes også den desentraliserte lokaliseringen av tilbud å være lite hensiktsmessig. Denne avdelingen har 3 – 5 nattevakter på jobb hver natt for å dekke 15 brukere. Vår vurdering er at avlastning bør kunne samles til en lokasjon i kommunen. Viss det er mulig å redusere til ti våkne nattevakter på jobb hver natt vil det tilsi en reduksjon på ca 1,2 årsverk eller ca MNOK 1,1». PwC rapport s. 79.

Kommunestyret gjorde 06.05.2021følgjande vedtak i sak 054/21:

«Auka tal avlastingsplassar til barn og unge ved Kvasten bustad og avvikle kjøp av plassar hjå private aktørar. Kommunestyret ber om ei eiga sak om auka tal avlastingsplassar til barn og unge ved Kvasten bustad og avvikle kjøp av plassar hjå private aktørar».

Saksopplysningar:

Føresette med dagleg omsorg for eit barn eller ein ungdom med nedsett funksjonsevne eller kronisk sjukdom, kan søkja om å få avlasting. Ein kan òg søkja om avlasting for omsorgsoppgåver dersom føresette sjølv er funksjonshemma eller sjuk.

Lov om kommunale helse - og omsorgstjenester § 3-6:

«Kommunens ansvar overfor pårørende

Til personer med særlig tyngende omsorgsarbeid skal kommunen tilby nødvendig pårørendestøtte blant annet i form av:

1. *opplæring og veiledning*
2. *avlastningstiltak*
3. *omsorgstønad*

Lov om pasient- og brukerrettigheter § 2-8:

«Tiltak ved særlig tyngende omsorgsoppgaver

De som har særlig tyngende omsorgsarbeid, kan kreve at den kommunale helse- og omsorgstjenesten treffer vedtak om at det skal settes i verk tiltak for å lette omsorgsbyrden og hva tiltakene i tilfelle skal bestå i».

Avlasting vert gitt på døgn- eller timebasis. Omfanget av avlasting kan for den einkilde vere frå nokre timar eller døgn per måned, til meir omfattande ordningar.

Tiltaka kan føregå i:

- barnet eller ungdommen sin heim
- avlastar sin heim
- i avlastingsbustad tilrettelagt for barn og unge
- avlasting organisert som aktivitet

Formålet ved avlastninga er å:

- hindre overbelastning hjå omsorgsytar
- gi omsorgsyter naudsynt fritid og ferie
- halda oppe gode familierelasjonar og bevare sosiale nettverk
- gi omsorgsyter moglegheit til å delta i vanlege samfunnsaktivitetar

Organisering av avlastingstiltak

Alver kommune har i dag følgjande avlastingstiltak:

1. Døgnavlasting og timeavlasting i institusjon/avlastingsbustad. Denne vert gitt på 5 ulike lokasjonar

Avlastingsbustad (avlastning i institusjon)	Plassar
Kvasten avlastingsbustad	5 (+ 3 nye)
Hannesvegen avlastingsbustad	1
Havnevegen avlastingsbustad	2
Ostereidet avlastingsbustad	2
Røvikrenen avlastingsbustad	1
Totalt	11 (+3 nye)

Kapasiteten i avlastingsbustader (institusjon) er også avhengig av tilgjengelege personalressursar. Nokre born kan fungere greit i gruppe med ein vaksen tilgjengeleg, medan mange treng tettare oppfølging frå ein tilsett. I nokre få tilfelle må det vere to tilsette for å ivareta eit barn.

Utvidinga ved Kvasten avlastingsbustad vart mogeleg då Heimetenesta flytta ut frå nabolokala i same bygg i Kvassnesvegen 16 (tidlegare Såta bu og servicesenter). Lokala er klargjort og kan takast i bruk utan større investeringar eller omfattande oppussing.

2. Aktivitetsbasert avlasting

Dette er avlasting som er organisert som fritidsaktivitetar, som til dømes kurs, aktivitetsgrupper, helgeturar m.m. Målgruppa er born og unge som ikkje passar saman med, eller ikkje vil trivast saman med dei som er i avlastingsbustader.

3. Timeavlasting

Avlasting som kan verte gitt i heimen, eller i avlastar sin heim. Oftast på ettermiddag, kveld eller helg.

4. Avlasting i privat heim

Døgnavlasting i andre sin heim. Gjerne regelmessige helger, men kan også vere på vekedagar.

Passar godt for mindre born som treng trygge rammer med få vaksne å forhalde seg til.

5. Kjøp av avlastingstiltak

Dersom kommunen ikkje har plass eller kapasitet til å gi avlasting som ein familie har fått vedtak om, kan kommunen kjøpe tenester hjå private aktørar.

Tal brukarar av avlastingstenester

Teneste	Tal brukarar/familiar
Døgnavlasting i institusjon	31
Timeavlasting i institusjon	4
Aktivitetsbasert avlasting	11
Timeavlasting	29
Avlasting i privat heim	53
Kjøp av avlastingstiltak	6

Det var 116 brukarar i avlastingstiltak ved oppstart av Alver kommune. Tenestebehovet har auka både i tal tenestemottakarar og i tenesteomfang fram til hausten 2021.

Avlastingstiltak	01.01.2021		15.09.2021	
	Brukarar	Timar pr veke	Brukarar	Timar pr veke
Aktivitetsbasert avlasting	13	115	11	105
Avlasting i institusjon - døgn	30	973	31	965
Avlasting i institusjon – timer (ny tenestekode)	-	-	4	105
Avlasting i privat heim- døgn	48	677	53	765
Avlasting timer	36	462	29	307
SUM TOTAL	127	2 227	128	2 247

Etter at vedtak om avlastingsdøgn er gjort vert borna gruppert og fordelt på helger og vekedagar på best mogeleg måte. Det vert så utarbeidd turnusar/arbeidsplan for tilsette med mål om at borna skal ha færrest mogeleg vaksne å fohalda seg til.

Ressursbruk

Kjøp av avlastingstenester (døgn og timar) hittil i år er på kr 1 400 000,-. Ein del av dette kan kommunen drifte sjølv. Endringar i avlastingstilbod må skje i dialog med familien og barnet/ungdommen sitt beste må takast omsyn til. Kommunen kan ved ei kapasitetsauke ved Kvasten avlastingsbustad gi kvalitativt godt tilbod til ein lågare kostnad enn ved kjøp av tenester frå private aktørar. Grunnen til dette er mellom anna at vi unngår administrasjonsutgiftene hjå private aktørar. I tillegg fører noko av den private avlastinga med seg lengre reiseveg for brukarane og transportutgifter for kommunen. Estimert innsparing kr. 500 000,- pr år.

I tillegg kjøper vi tilsyn før og etter skuletid på vidaregåande skular for ca kr 730 000,-pr år. Dette er ei løysing vi meiner er god, og kostnadseffektiv. Det er assistentar ved dei vidaregåande skulane som utfører desse tenestene. Ved å knytte denne avlastinga/tilsynsordninga til skulen unngår ein fleire skifte av lokale, tenesteytarar og transport i løpet av ein dag. Kostnaden her er direkte knytt til lønsutgifter for assistentar og er dei same kostnadene som om kommunen drifta tilbodet sjølv.

Avlastinga i Havnevegen, Ostereidet og i Røsvikrenen er tilrettelagt for born og unge som har andre utfordringar og som ikkje eignar seg saman med målgruppa på Kvasten avlastingsbustad. PwC rapporten peika på at det at denne formen for avlasting er spreidd på 3 lokasjonar, medfører ekstra utgifter då det krev døgnbemanning på 3 stader. Ei samlokalisering av desse 5 plassane, vil gi vesentleg innsparing, og betre kvalitet på tiltaka. PwC viser til ei mogeleg innsparing på 1,1 mill. pr år.

Hannesvegen avlasting på Manger er samlokalisert med 3 omsorgsbustad pluss (bufelleskap), og deler personale med desse. Pr i dag er det 3 ungdomar som nyttar dette tiltaket. Bustaden har 3 soverom, men berre eit bad/toalett. Det er difor ei utfordring å ha fleire brukarar der samsstundes. Bygget er ikkje tilrettelagt for personar med fysisk funksjonshemming.

Vurdering

Kvasten avlastingsbustad er senteret i avlastingstenestene i Alver. Her er administrasjonen med avdelingsleiar og driftskoordinator for aktivitetsbasert avlasting og privat avlasting. Bygget er tilrettelagt for born og unge med ulike funksjonshemmingar og er tilrettelagt for sosialt samvær, og mogelegheit for å trekke seg tilbake ved behov. Ein kan også dele opp brukarane i fleire grupper ved å nytta stover/fellesrom i ulike delar av bygget.

Kjøp av private avlastingstenester kan vere eit godt supplement til kommunen sine tilbod. Ved ei utviding av Kvasten avlastingsbustad, vil behovet for kjøp verte redusert. Som tabellen over viser, er behovet aukande. Utfordringa av å vere avhengig av private tenesteleverandørar er at nokre av desse ligg utanfor kommunen (Bergen), og fører til transportbehov som må løysast av pårørande, kommunen, eller ved kjøp av transporttenester. For mange born og unge kan forlenga reiseveg til skule, vere ei belastning. I tillegg vil kjøp hjå private leverandørar medføre auka utgifter pr time eller døgn, mellom anna på grunn av påslag og administrasjonsutgifter.

Samlokalisering av avlastingstiltaka som er lokalisert på Ostereidet, Røsvikrenen og Havnevegen vil gi ein gevinst på fleire område. Det å ha drift på fleire plassar fører til auka behov for nattevakter, og behov for fleire tilsette på dag og kveld for å sikre beredskap og tryggleik for både brukarar og tilsette. Samlokalisering vil føre til eit større fagmiljø og auka kvalitet, samt reduksjon i lønskostnader og meir kostnadseffektiv drift.

Ved avlastingsopphald, som oftast er for kortare periodar, gir pårørande/føresette uttrykk for at avstand til heimen og plassering ikkje er like viktig som ved seinare utflytting og permanent busetjing i vaksen alder. Det

viktigaste for dei er at dei som foreldre/føresette er trygge på at barnet eller ungdommen har ei god og trygg oppleving av avlastingsopphaldet, saman med trygge, kompetente tenesteytarar.

I rådmannen sitt framlegg til vedtak vert det lagt opp til at auka plassar på Kvasten avlastingsbustad skal finansierast med redusert kjøp av plassar. Storleiken på kostnadsbesparinga ved samlokalisering av tiltaka på Ostereidet, Røsvikreien og Havnevegen vert arbeidd vidare med gjennom prosjektet for leiing, kvalitetsforbetring og ressurseffektiv drift. Prosjektet rapporterer på status til utval for helse og omsorg og til formannskapet på økonomi.

Arkiv: <arkivID><jplID> FA-G00
JournalpostID:
Sakshandsamar:
Dato: 27.09.2021

Saksframlegg

Saksnr.	Utval	Møtedato
041/21	Ungdomsråd	07.10.2021
038/21	Eldreråd	11.10.2021
041/21	Råd for menneske med nedsett funksjonsevne	11.10.2021
	Utval for helse og omsorg	
	Alver kommunestyre	

Felles satsingar for helse- og omsorgssektoren i Nordhordland 2021-2031 **Rådmannen sitt framlegg til vedtak:**

Kommunestyret godkjenner følgjande:

- a. Alver kommune sluttar seg til innhald og føringar i «*Felles satsingar for helse- og omsorgssektoren i Nordhordland 2021-2031*», og forpliktar seg til å ta del i felles dialog og prosess om dei tema som planen omhandlar jamfør vedlegg.
- b. Alver kommune sluttar seg til at Kommunalsjefgruppa for helse og omsorg i Nordhordland får i oppdrag å koordinera og organisera oppfølging av prioriterte område i planen.
- c. Alver kommune sluttar seg til at det vert utarbeidd handlingsplan for konkretisering av tiltak knytt til dei prioriterte områda, og at Rådmannsutvalet får mandat til å godkjenne tiltak i handlingsplan.
- d. Alver kommune legg til grunn at konkrete tiltak som forpliktar må forankrast i kommunen, og kommunen kan reservera seg mot å gå inn i konkret samarbeid sjølv om ein har slutta seg til planen.

Politisk handsaming

Saka skal til uttale i ungdomsråd, eldreråd, råd for menneske med nedsett funksjonsevne
Saka skal til innstilling i utval for helse og omsorg
Saka skal avgjerast i kommunestyret

Bakgrunn

Plan for interkommunalt samarbeid innan helse- og omsorgstenesta i Region Nordhordland 2014 – 2017 vart handsama og godkjent av dei ni kommunestyra i Region Nordhordland i 2014.
Det er ikkje gjennomført ein systematisk gjennomgang og revisjon av planen etter 2016.

Kommunalsjefgruppa for helse og omsorg i Nordhordland har planen som sitt viktigaste styringsdokument, og har difor løfta saka om at det bør gjennomførast ein revisjon av planen i 2020/2021.

Saksopplysninger:

Plan for interkommunalt samarbeid innan helse og omsorgstenesta, med tilhøyrande handlingsplanar har vore gode styringsdokument i tida frå 2014 og fram til i dag. For å sikre at me i Nordhordland framleis kan samarbeide på best mogleg vis, og for å vere trygg på at dei viktigaste innsatsområda vert prioriterte, treng me å sikre kvaliteten på styringsdokumenta våre.

Mai 2020 handsama Rådmannsutvalet sak via e-post og slutta seg samrøystes til:

- at Plan for interkommunalt samarbeid innan helse- og omsorgstenesta i Region Nordhordland 2014 – 2017» vert revidert, og at kommunalsjefgruppa for helse og omsorg får oppdraget med å gjennomføre revisjonen.
- at områda føremål, prinsipp, forankring og involvering, samt prioriterte innsatsområde særleg vert vurdert.
- plan for involvering og forankring slik det er skissert i saka og i vedlagt framdriftsplan.

Med bakgrunn i dette har kommunalsjefgruppa for helse og omsorg i 2020/2021 hatt ein systematisk gjennomgang og gjennomført ein revisjon av den interkommunale planen.

Prosess

I revisjonsarbeidet er aktuelle, nasjonale styringsdokument for sektoren lagt til grunn, saman med drøftingar av utviklingstrekk og utfordringar for kommunane og regionen.

Kommunesamanslåing, Region Nordhordland Helsehus, samt demografisk utvikling og framskrivingar har tydeleggjort regionale utfordringar. Dette har bidratt til at også prinsippa (grunnsetningane) i det felles arbeidet kommunane skal i gang med også er drøfta. I arbeidsprosessen har innspel frå råd og nettverk innanfor sektoren stått sentralt.

Det er semje om at planen skal bidra til at sektoren vert utvikla på berekraftig vis. Dette tyder at me har eit økonomisk, økologisk og sosialt perspektiv.

Vurdering

Kommunalsjefgruppa for helse og omsorg har gjennom revisjonsarbeidet komme fram til at den reviderte planen bør ha eit meir overordna, strategisk perspektiv, slik at den vert meir føreseieleg over ein lengre periode, og at tilhøyrande handlingsplan vert fylgt tettare opp.

Med bakgrunn i at det strategiske og meir langsiktige perspektivet vert styrka har kommunalsjefgruppa tilrådd at planen endra namn til; *Felles strategiplan for helse- og omsorgssektoren i Nordhordland 2021 – 2031*

7.mai 2021 fekk Rådmannsutvalet i Region Nordhordland førelagt planen til handsaming.

Utvalet fatta slikt vedtak i saka:

Rådmannsutvalet i Region Nordhordland sluttar seg til «Felles strategiplan for helse- og omsorgssektoren i Nordhordland 2021 – 2031» slik den ligg føre, og ber om at planen vert lagt fram til handsaming i Regionrådet.

14.juni 2021 fekk Regionrådet for Nordhordland førelagt planen til handsaming.

Regionrådet fatta slikt vedtak i saka:

Regionrådet vedtar å endra namn på planen frå «Felles strategiplan for helse- og omsorgssektoren i Nordhordland 2021 – 2031» til «Felles satsingar for helse- og omsorgssektoren i Nordhordland 2021 – 2031», og ber om at planen vert lagt fram til politisk handsaming i kommunane.

Vedlegg i saken:

01.10.2021 Felles satsingar for helse- og omsorgssektoren i NH 2021 - 1618753
2031

Felles satsingar for helse-
og omsorgssektoren i
Nordhordland
2021 – 2031



Innhald

Innleiing	2
1.0 Føremål og planstruktur	3
2.0 Prinsipp	3
3.0 Hovudmål	4
4.0 Prioriterte område.....	4
4.1 Teknologi og innovasjon	4
4.2 Livsmeistring.....	4
4.3 Kompetanseutvikling	4
4.4 Samarbeid og prioritering.....	4
4.5 Involvering og medverknad – mobilisering av ressursar	4
5.0 Handlingsplanar	5
6.0 Forankring i kommunane	5
7.0 Samarbeidsstrukturar/-avtalar	5
8.0 Revisjon	5

Versjonskontroll

Utkast 1.0	Kommunalsjefgruppa	22.01.2021
Versjon 1.1	Rådmannsutvalet	07.05.2021
Versjon 1.2	Regionrådet	14.06.2021

Innleiing

Plan for interkommunalt samarbeid innan helse- og omsorgstenesta i Region Nordhordland 2014 - 2017 vart vedteken revidert i rådmannsutvalet 11.05.20. Kommunalsjefgruppa for helse og omsorg i Nordhordland fekk i oppgåve å gjennomføre arbeidet.

Gjeldande plan vart vedteken tilbake i 2014 i alle deltakarkommunane. Kommunalsjefgruppa peika på at det var eit behov for å løfte planen opp på eit meir strategisk nivå. Slik vil retning for det kommande 10-året verte satt, medan handlingsplanane som spring ut ifrå strategien vert rullert og revidert fortløpande.

I revisjonsarbeidet vart det gjort ein gjennomgang av aktuelle nasjonale styringsdokument for sektoren (krav/behov ovanifrå). I tillegg vart det gjennomført drøftingar av utviklingstrekk og utfordringar i regionen (krav/behov nedanifrå).


Mykje har endra seg sidan 2014. M.a. har det gått føre seg kommunesamanslåing, nytt helsehus i Knarvik, samhandlingsreforma har byrja å gå seg til og den demografiske utviklinga og framskrivinga har tydeleggjort regionale utfordringar. Dette har bidratt til at også prinsippa (grunnsetningane) i det felles arbeidet kommunane skal i gang med også vart drøfta.

Det var spesielt viktig i arbeidsprosessen at råd og nettverk innanfor sektoren kunne komme med innspel til planen. Slik aktiverer me og bind tettare saman alle dei ressursar som utgjer helse- og omsorgsstrukturen i Nordhordland, og me styrkjer føresetnadane for at alle involverte arbeider tett saman med felles fokus i fortsetjinga.

Planen skal bidra til at sektoren vert utvikla på berekraftig vis. Dette tyder at me har eit økonomisk, økologisk og sosialt perspektiv.

1.0 Føremål og planstruktur

Planen har som føremål å styrkja det kommunale helse- og omsorgsarbeidet gjennom interkommunalt samarbeid innanfor prioriterte område. Slik kan kommunane i fellesskap oppnå meir saman enn kvar for seg. Dette inneber å sikra framtidretta helse- og omsorgstenester kor utvikling og berekraft skal vere sentrale drivarar. Planen skal bidra til å sikre kapasitet og kompetanse til å handtere og iverksette framtidige nasjonale løysingar og initiativ for kommunane.



Figur 1 Planstruktur

2.0 Prinsipp

Prinsipp omhandlar grunnforståinga me byggjer føremål, hovudmål, innsatsområde og handlingsplanar på.

Planen skal bidra til ei felles forståing for framtidige utfordringar og leggje til rette for interkommunalt samarbeid om oppgåveløysinga der dette er tenleg. Gjennom planen vil me styrkje det gode fundamentet kommunane i Region Nordhordland har etablert over tid når det gjeld samarbeid på tvers av kommunegrenser.

- Kommunale tenester skal i hovudsak gjevast i den enkelte kommune.
- Interkommunalt samarbeid skal støtta opp under tenestene i den enkelte kommune.
- Iverksetjing av tiltak skal forankrast i den enkelte kommune og regulerast gjennom samarbeidsavtalar. Brukarmedverknad skal sikrast.

3.0 Hovudmål

Hovudmål vert ei første konkretisering av føremålet.

1. Betra helse og tryggleik for innbyggjarane.
2. Auka meistringsevne og livskvalitet hjå innbyggjarane.
3. Sikre medverknad frå brukarar og øvrige delar av det sivile samfunnet.
4. Styrkje Region Nordhordland som ein fag- og kompetanseregion.
5. Styrkje den digitale satsinga i helse- og omsorgssektoren.

4.0 Prioriterte område

Prioriterte område skal avgrense og tydeleggjere kva samarbeidet skal rette ressursane inn mot for å nå hovudmåla.

4.1 Teknologi og innovasjon

Området understøtter regionen si satsing på samarbeid om digitalisering og innovasjon. I tillegg er det eit stadig behov for å sikre øvrig teknologiutvikling. Området peikar på at innovasjon også finn stad utan at det treng omhandle teknologi eller digitalisering.

Utvikling av nye tenester bør gjennomførast i felles prosjekt slik at kostnader vert redusert, samstundes som det aukar kvalitet og kompetanse. Felles prosjekt skal sikre innføring og kompetansebygging i kvar einskild kommune.

4.2 Livsmeistring

Området peiker på ei nasjonal satsing over tid, samt eit regionalt utviklings- og utfordringsbiletet. Ein er særleg merksam på førebyggjande perspektiv, tidleg innsats og felles regionalt fokus knytt til generelle ressursutfordringar dei kommande tiåra innanfor helse- og omsorgssektoren.

4.3 Kompetanseutvikling

Høg og rett kompetanse både innanfor drift og utvikling i regionen er gode faktorar for å lukkast. På fleire område vil det kunne vere aktuelt å sjå kompetanseutfordringar som regionale utfordringar – og moglegheiter. Ein attraktiv region er positivt for alle kommunane. Innsatsområdet tek opp i seg satsingar som t.d. prosjekt fag- og tenesteutvikling knytt opp mot Region Norhordland Helsehus.

4.4 Samarbeid og prioritering

Framtidsbiletet peikar i retning av at det ikkje er tilstrekkeleg med ressursar til å løyse alle ynskjer og behov innanfor sektoren. Strategiplanen legg opp til å møte dette gjennom samarbeid, samhandling og samordning. Dette vil gjelde innanfor utvalde område kommunane imellom, og mellom regionen og helseføretaka.

Strategiplanen vidarefører merksemda mot samarbeid om ressurs- og kompetansekravjande oppgåver.

4.5 Involvering og medverknad – mobilisering av ressursar

Området peiker mot utvikling, samarbeid og mobilisering av ulike ressursar i samfunnet. Dette kan gjelde både den organiserte frivilligheita, men og dei ressursar som i dag ikkje er tatt i bruk.

5.0 Handlingsplanar

Strategiplanen med prioriterte område har eit 10-års perspektiv. Underliggande handlingsplanar vil bli utarbeida og revidert kvart andre år.

6.0 Forankring i kommunane

Gjennom kommunestyret si tilslutning til planen forpliktar den enkelte kommune seg til å ta del i felles dialog og prosess om dei prioriteringar som planen omhandlar. Når det kjem til konkrete tiltak må likevel desse forankrast i den enkelte kommune. Dette inneber at kvar kommune kan reservera seg mot å gå inn i konkret samarbeid på eit seinare tidspunkt sjølv om ein har slutta seg til planen.

Det er ein føresetnad at mål og tiltak er forankra fagleg, administrativt og politisk i alle kommunar.

7.0 Samarbeidsstruktur/-avtalar

Samarbeidet mellom kommunar og sjukehus har dei siste åra utvikla seg og blitt meir formalisert enn tidlegare. Det er etablert eit strukturert samarbeid som er forankra gjennom samarbeidsavtalar ¹mellom Helse Bergen, Haraldsplass Diakonale Sykehus og dei 18 kommunane i lokalsjukehusområdet.

Målsettinga med samarbeidet er mellom anna å ivareta og vidareutvikla eit godt fagleg og organisatorisk samarbeid mellom spesialist- og primærhelsetenesta. Det er eit mål at det interkommunale samarbeidet skal støtte opp under oppfølging av samarbeidsavtalane og vera eit supplement til denne strukturen.

8.0 Revisjon

Strategiplanen skal reviderast i 2031, eller før dersom ein eller fleire av kommunane ber om det.

¹ Samarbeidsavtalar - <https://saman.no/samarbeidsavtalar>

Arkiv: <arkivID><jplD> FE-144, FA-F03
JournalpostID:
Sakshandsamar:
Dato: 29.09.2021

Saksframlegg

Saksnr.	Utval	Møtedato
039/21	Eldreråd	11.10.2021
042/21	Råd for menneske med nedsett funksjonsevne	11.10.2021
042/21	Ungdomsråd	07.10.2021

Handlingsplan mot vald i nære relasjonar - val av deltakarar i workshop Rådmannen sitt framlegg til vedtak:

Eldrerådet vel følgjande medlem til workshop knytt til handlingsplan i nære relasjonar:
Medlem:

RMNF vel følgjande medlem til workshop knytt til handlingsplan i nære relasjonar:
Medlem:

Ungdomsrådet vel følgjande medlem til workshop knytt til handlingsplan i nære relasjonar:
Medlem:

Politisk handsaming

Saka skal avgjerast i eldrerådet, råd for menneske med nedsett funksjonsevne og ungdomsrådet.

Bakgrunn

Alver kommune har i haust starta arbeidet med å utarbeida **Kommunal handlingsplan mot vald i nære relasjonar**. Arbeidet med handlingsplanen er prosjektorganisert, og prosjektgruppa er breitt tverrfagleg samansett av representantar frå sektorane oppvekst og helse og omsorg.

Saksopplysningar:

Prosjektgruppa peikar på at vald og overgrep i nære relasjonar er eit viktig satsingsområde for sentrale styresmakter. Det vert vist til at slik type vald for og overgrep har eit betydeleg omfang og er eit alvorleg samfunns- og folkehelseproblem. Ein kommunal handlingsplan vil vera ein strategi i Alver kommune sitt førebyggjande arbeid i kampen mot vald og overgrep. Handlingsplanen skal bidra til at kommunen har fokus på temaet, og at berørte får eit tilrettelagt og heilskapleg tilbod.

Prosjektgruppa har som mål at handlingsplanen skal bidra til å styrka kunnskapsnivået hjå tilsette i kommunen og vidareutvikla samarbeidet mellom faggrupper og sektorar.

Føremålet med handlingsplanen er å skildra kommunen sine utviklingsmål på området, skissera tiltak, synleggjera ansvar og deltakarar i arbeidet, og evaluera måloppnåing. Den overordna hovudmålsettinga er å avdekka, førebyggja og hindra vald mot innbyggjarar i Alver kommune, slik at innbyggjarane i kommunen kan leva sine liv utan vald og overgrep.

For å koma fram til kva tiltak og aktivitetar planen skal innehalda, legg prosjektgruppa opp til brei involvering for samarbeidspartar/brukarrepresentantar og kommunale tenester som ikkje er representert i prosjektgruppa. Prosjektgruppa inviterer difor til **workshop 29.10 i Helsehuset** i Knarvik. Her er eldrerådet, råd for menneske med nedsett funksjonsevne og ungdomsrådet oppmoda om å stilla med ein deltakar kvar.

Når utkast til handlingsplan er utarbeidd, vil råda også verta invitert til å kome med innspel.

Arkiv: <arkivID><jplID> FE-033
JournalpostID:
Sakshandsamar:
Dato: 04.10.2021

Saksframlegg

Saksnr.	Utval	Møtedato
043/21	Råd for menneske med nedsett funksjonsevne	11.10.2021

Meldingar og orienteringar til RMNF - 11.10.2021

Rådmannen sitt framlegg til vedtak:

Meldingar vert tekne til orientering.

Politisk handsaming

Saka skal avgjerast i råd for menneske med nedsett funksjonsevne.

Bakgrunn

Saksopplysningar:

Det vert lagt fram følgjande meldingar/orienteringar:

1. Orientering til sak 4. «Handlingsplan mot vald i nære relasjonar» v/Kjersti Risa Marøy-tenesteleiar Helsestasjon- og jordmortenesta
2. TV-aksjonen 2021 v/Per Ole Ekker-leiar Knarvik frivillegsentral
- 3..Status parkeringsløyve (prosess søknad til svar) v/Kari Hesjedal-avd.leiar Forvaltningskontoret
4. Prosjekt leing, kvalitetsforbetring og ressurseffektiv drift, status v/Helge Kvam-fagansvarleg Helse
5. Orientering til sak 3: «Felles satsingar for helse- og omsorgssektoren i Nordhordland 2021-2031» v/Leni Dale-kommunalsjef Helse og omsorg
6. Orientering til sak. 1: «Offentleg ettersyn og høyring - Detaljreguleringsplan for Birkelundstunet gbnr 172/14» v/Ole Martin Bolset-rådgjevar Plan og byggesak

Dei seks meldingane/orientering vert gitt i felles orienteringsmøte for ER og RMNF

7. Prosjekt: Universell familierettleing v/Kjersti Risa Marøy-tenesteleiar Helsestasjon- og jordmortenesta